



Notarum explicatio
† Archiepiscopus
‡ Episcopus
⦿ Academie

Veteres Urbium et Promontorium appellationes magis
culis designarimus hac forma: COMPLETVM,
etc. Recentiores vero hac:
Alcala de henares.

tutele de sa mere Magdelaine, & de son oncle Pierre le Cardinal; & mourut l'an de grace 1482, apres qu'il eut esté couronné, n'ayant pas encor esté marié; pourquoy sa sœur Catherine succeda au royaume, laquelle fut mariee à Jean d' Albret, & ainsi le royaume vint en la puissance des François. Mais le Narbonois contesloit l'injure qu'on luy avoit faicte, à cause que Gaston estant decedé avant sa mere Eleonore, luy estant le plus proche heritier de la mere, on avoit preferé François & Catherine enfans de Gaston: toutesfois Ferdinand Roy d'Arragon estoit contre le Narbonois. Par apres il soupçonna beaucoup de choses du Roy de Navarre, comme tenant le party du Roy de France, il eut conspiré contre la couronne d'Arragon: pourquoy outre ce qu'il fit jurer à soy tous les gouverneurs des forteresses & villes, il print pour ostage les villes de Sanguezza & de Viane, lesquelles toutesfois il restitua l'an 1500, prenant pour gage la jeune Princesse Magdelaine fille unique du Roy de Navarre: mais ce gage estant reduit en trop petite valeur par la naissance de Henry II, fils des Roys de Navarre, le Roy Ferdinand ne se contenta de ce gage, veu que ladicte jeune Princesse vint à mourir peu apres en la Cour de la Reyne d'Arragon. Quelque temps apres, le Roy de Navarre chassa de ses terres le Comte de Lerin, qui estoit fort puissant en Navarre, & homme fort querelleux & seditieux. Le Roy Ferdinand taschoit par tous moyens de restablir en ses biens & patrimoine Louys de Beaumont fils dudit Comte. Pour ce faict s'esmeurent quelques hostilités, mais couvertement, & quasi comme choses particulieres & ne touchantes au public. La guerre s'allumant en Italie, entre le Pape & l'Empereur d'un costé, & le Roy de France & ses confederés de l'autre, & que

le Roy de Navarre tenoit sans doute le party du Roy de France; le Pape prenant de là occasion, d'autant qu'il secouroit les ennemis de l'Eglise, asçavoir les Peres de l'assemblee de Pise, excommunia le Roy & la Reyne de Navarre, & donna en proye aux Princes voisins leur royaume. La finesse (dit Mariane) du Roy Ferdinand estoit fort suspecte, & peu a peu le bruit courut que ceste excommunication estoit donnée à son instance, pour le desir qu'il avoit d'envahir le royaume de Navarre. Pourquoy Ferdinand envoya son Embassadeur, pour admonester le Roy de Navarre de son obeissance envers le Pape, & de quitter le party des François, & des Peres du Concile de Pise; & aussi pour luy demander son fils unique en ostage. Ceste demande fut jugée par les Navarrais plus qu'injuste, & refuserent le tout: ce qui causa une guerre, le succez de laquelle fut, que les Roys de Navarre, impuissans pour resister à leur ennemy, furent totalement chassés de leur propre royaume par le Roy d'Arragon, lequel obtint, comme Sequestre, sous le tiltre de royaume, toute la Navarre. Et pour auctoriser son envahissement, accusoit les Roys de Navarre de n'avoir tenu leur promesse. Du depuis les François se sont efforcez par guerres de recouvrir ce royaume, mais en vain. Finalement Ferdinand, l'an 1515, unit la Navarre avec la Castille. Par où (dit Mariane) on peut assez cognoistre, que Ferdinand avoit resolu de ne jamais quitter ledict royaume, comme s'il en eut esté legitime possesseur, & que nulle religion ny puissance luy eut peu oster ceste opinion de la teste: car il s'est monstré depuis tel en divers propos & discours. Les forces ne defaillent jamais au plus puissant, pour retenir ce qu'il a obtenu par armes. Jusques icy l'Auteur.

Origine du nom.



Peuples anciens.

LES Espagnols appellent *Navas* les champs nettoyez d'arbres & de brossailles, qui sont environnez de hayes & boscages: de ces *navas*, plusieurs croyent que ce royaume a prin le nom de Navarre, à cause qu'il y a plusieurs telles *navas*, ou champs nettoyez. Ce pays estoit anciennement occupé par les Gascons, Berons sur le fleuve Bere, Sueffitains, Bergillains, & Carlistiens. Les villes suivantes ont esté bien cognues des anciens, comme Pompelon, dicte par Strabon *Πομπηλων*, laquelle aucuns estiment qu'elle fut ainsi nommée de Pompee: item Cascantum, de laquelle est faicte mention és medailles de l'Empereur Tibere: & Iuliobrige, ville ancienne des Cantabriens, située sur le fleuve Ebro; & sur le rivage du mesme fleuve: Calagurris, patrie de F. Quinctilian Orateur: S. Jerome en parle és chroniques d'Eusebe, *Quinctilian* (dit il) *natif de Calagurris en Espagne, tint le premier escole publique à Rome, & reçeut son salaire du public, & fut grandement renommé.* Aufone parlant des Orateurs de Bourdeaux, dit:

*Primus Burdigala column dicere Minervi,
Alter Rhetorice Quinctiliane togæ.
Adferat usque licet Fabium Calagurris alumnus,
Non sit Burdigala dum cathedra inferior.*

Fleuve.

Le fleuve Ebro traverse & arrouse la Navarre, lequel prenant sa source en la Biscaye, s'accroist petit à petit, costoyant les pieds des monts Pyrenees; & divise toute l'Espagne aussi large qu'elle est, si ce n'est que vers le Midy, ou il se descharge dans la mer Mediterranee, il s'esloigne plus des montagnes. La Navarre estoit anciennement de plus grande estendue, veu qu'elle comprenoit dans son circuit la Biscaye, Logronno, & Calahorre: maintenant elle est serree d'un costé par les monts Pyrenees, & d'ailleurs par le fleuve Ebro, si ce n'est qu'au delà du fleuve est la ville de Tudele, avec quelques autres villetes.

Villes.

Ce royaume est divisé en quatre parties, desquelles les capitales villes sont Pampelone, Stella, Tudele, Olite, Sanguezza, & S. Guan di Pie di porto: outre lesquelles il y en a encor autres dignes de remarque, comme Alfaro, Taffaglie, & Viane. Pampelone est située non loing des monts Pyrenees, sur le fleuve Arge, en un terroir tres fertile. C'est une ville grande & riche, serree de fortes murailles, & fortifiée de deux chasteaux, l'un estant compris dans ses murailles, & l'autre au dehors. Boterus dit, qu'il ne croit pas, qu'en tout ce Royaume il y ait plus de vingt mille feux. La ville de S. Guan, surnommée du Pied du Port,

Espagne.

est assise sur le front d'une tres-haute montagne, estant esleevee environ douze mille pas de hauteur, de laquelle grand nombre de fontaines prennent leurs sources de tous costez, & est tres fertile en plusieurs choses. Icy l'on tire grande quantité de fer: Sur le front de ladicte montagne il y a une grande plaine, & champ fort plaisant, & continuellement verdoyant.

Sous les appendances de Navarre est contenue la province de Riofco, située sur le flanc de la montagne Idubede, laquelle jouyt d'un air sain: son terroir produit du froment, vin, & miel en grande abondance. Le fleuve Osce, prenant son commencement non loing de S. Dominique de la Calzada, se descharge dans l'Ebro proche de la ville Haro. Icy se rencontrent les villes de Nagere, Navarette, S. Dominique, Guardia, & Bastide.

Tout le terroir de ce royaume est pour la plus part fertile, avec un air grandement sain & temperé.

EXTRAICT DE MARIANE, PAR OY
se monstre comment le royaume de Navarre est parvenu en la puissance de l'Espagnol.

L'An 1479 par la mort de Jean Roy d'Arragon, Ferdinand fut, & par testament, & par succession, designé heritier des terres d'Arragon, & des autres subiectes à ladite couronne: Et Eleonore obtint par succession maternelle le royaume des Vascons, ayant lors esté vesue l'espace de sept ans, mourut un mois apres avoir succédé audit royaume: Celle eut quatre fils, asçavoir Gaston, qui estoit l'aîné, Jean, Pierre, & Jacques, avec cinq filles, asçavoir Marie, Jeanne, Marguerite, Catherine, & Eleonore. Gaston mourut, laissant deux enfans, François Phebe, & Catherine. Jean eut Narbonne pour son partage, laquelle fut rachetée de son pere pour une grande somme de deniers, & eut pour enfans Gaston, qui fut tué pres de Ravenne; & Germaine, qui fut mariee à Ferdinand Catholique, apres la mort de sa premiere femme Elizabeth. Pierre fut fait Cardinal par le Pape Sixte. Jacques mourut sans se marier. Marie espousa Guillaume Marquis de Montferrat: & Jeanne Jean Comte d'Armignac: Marguerite François Duc de Bretagne, elle eut une fille, nommée Anne, laquelle apporta ce Duché à la couronne de France: Et Catherine, estant mariee avec Gaston de Foix Comte de Candale, eut deux fils & une fille, qui espousa Ladislas Roy d'Hongrie.

Après le decez d'Eleonore, François Phebe agé de douze ans succeda au royaume, sous la